



ADDENDA Ó “CONVENIO DE COLABORACIÓN COA DEPUTACIÓN PROVINCIAL DE PONTEVEDRA PARA A CESIÓN Ó CONCELLO DE VIGO DA ESTRADA PROVINCIAL 2002- GRAN VÍA AVDA. MADRID. RÚA EMILIA PARDO BAZÁN E PARA A EXECUCIÓN DO PROXECTO DE HUMANIZACIÓN DA ESTRADA PROVINCIAL 2002- GRAN VÍA AVDA. MADRID. RÚA EMILIA PARDO BAZÁN, NO TREITO ENTRE GRAN VÍA E A AVDA. ARQUITECTO PALACIOS”, PARA A SÚA ADECUACIÓN FINANCEIRA

Vigo, 24 de maio de 2019

REUNIDOS

Dunha parte, Dona María del Carmen Silva Rego, Presidenta da Deputación Provincial de Pontevedra, na representación legal que da mesma lle atribúe o artigo 34.1.b) da Lei 7/1985, de 2 de abril, Reguladora das Bases de Réxime Local.

Doutra, Don Abel Caballero Álvarez, Alcalde-Presidente do Concello de Vigo, na representación legal que desta Administración municipal lle atribúe o artigo 124.4.a) do mesmo texto legal.


Interveñen, en calidade de secretaria do Goberno Local do Concello de Vigo, D^a M^a Concepción Campos Acuña e, como secretario xeral da Deputación de Pontevedra, D. Carlos Cuadrado Romay, que dan fe do acto que se celebra.

Ámbalas dúas partes declaran e recoñécense mutuamente a capacidade e a representación necesaria para a sinatura do presente convenio de colaboración, e a estes efectos

EXPOÑEN

I.- Con data 30 de decembro de 2016, a Deputación Provincial de Pontevedra e o Concello de Vigo asinan o “Convenio de colaboración para a cesión a este da Estrada Provincial 2002 – Gran vía Avda. Madrid. Rúa Emilia Pardo Bazán e para a execución do proxecto de Humanización da Estrada Provincial 2002 – Gran Vía Avda. Madrid. Rúa Emilia Pardo Bazán, no treito comprendido entre a Gran Vía e a Avda. Arquitecto Palacios”.

II.- En relación ó financiamento das actuacións obxecto do convenio, nos atopamos coa necesidade de proceder á adecuación financeira de acordo coa realidade da previsión final para a execución do convenio, para o cal se deberá atender ó recollido na cláusula terceira “*Execución do convenio e financiación*”, a cal en relación ás obrigas económicas indica o seguinte:



	Total da aportación	2016	2017	2018
Deputación Provincial de Pontevedra	1.800.000,00 €	770.000,00 €	1.030.000,00 €	0,00 €
Concello de Vigo	1.200.000,00 €	0,00 €	242.579,70 €	957.420,30 €
Total investimento	3.000.000,00 €	770.000,00 €	1.272.579,70 €	957.420,30 €

Esta mesma cláusula terceira indica "*Non obstante, o eventual reaxuste das anualidades da execución dos citados contratos provocará o reaxuste das anualidades do presente convenio, a cuxo efecto o Concello de Vigo, previa proposta da Comisión de Seguimento do convenio, dará audiencia á Deputación Provincial de Pontevedra no expediente que se inicie para o reaxuste da anualidade de calquera dos ditos contratos e da resolución que se dite.*"

As propostas de financiamento recollidas no convenio asinado con data de 30 de decembro de 2016, recolle a previsión inicial da financiación comprometida por ambas entidades e de forma específica na cláusula segunda punto 2, indícase que a financiación comprometida pola Deputación Provincial de Pontevedra terá carácter definitiva e por outro lado, o punto 4 da cláusula segunda, no apartado das obrigas do Concello de Vigo, indica que a obriga da financiación do Concello será ata a cantidade máxima de 1.200.000,00€, polo cal é oportuno proceder ó reaxuste de anualidades indicado no convenio, de acordo coas actuacións executadas e as previsións para a finalización das mesmas.

III.- Que a cláusula novena do mesmo convenio prevé a constitución dunha COMISIÓN DE SEGUIMIENTO E CONTROL, que terá por obxecto o seguimento e coordinación da execución deste convenio e resolución das dúbidas que poidan producirse na súa interpretación, a cal estará integrada por tres representantes de cada unha das Administracións asinantes, un dos cales terá carácter técnico. Entre as competencias de dita comisión de seguimento atópase a de "*emisión de informe en relación coa necesidade do reaxuste da anualidade do convenio e en relación con cantas incidencias se produzan na execución dos contratos a que este se refire.*"

Dita Comisión de Seguimento reunirase cando o estime convinte o seu responsable, por decisión propia ou a petición de calquera dos seus membros. As súas reunións terán lugar na Casa do Concello de Vigo ou na Deputación de Pontevedra, segundo acorden as partes. Na súa reunión constituínte designarase ó responsable da mesma e ó seu secretario, que levantará acta das súas reunións.

Dita comisión de seguimento constituíuse en representación das partes pola preceptiva resolución da Presidenta da Deputación Provincial de Pontevedra de data 27 de xullo de 2018, e, no que ao Concello de Vigo se refire, pola resolución da Alcaldía-Presidencia do Concello de Vigo de data 7 de agosto de 2018.

IV.- Que, en data 12 de abril de 2019, a "Comisión de Seguimento" do "Convenio de colaboración asinado entre a Deputación Provincial de Pontevedra e o Concello de Vigo "para a cesión a este da estrada provincial E.P. 2002 – Gran Vía Avda. Madrid. Rúa Emilia Pardo Bazán e para a execución do proxecto de humanización da estrada provincial E.P. 2002 – Gran Vía Avda. Madrid. Rúa Emilia Pardo Bazán, no treito comprendido entre a Gran Vía e a Avda. Arquitecto Palacios", en base á proposta realizada polo Concello de Vigo, acorda por unanimidade a seguinte proposta:

● **Primeiro:** Recoñecer as actuacións executadas polo Concello de Vigo en relación ó obxecto do "Convenio de colaboración para a cesión a este da Estrada Provincial 2002 – Gran Vía Avda. Madrid. Rúa Emilia Pardo

Bazán e para a execución do proxecto de Humanización da Estrada Provincial 2002 – Gran Vía Avda Madrid. Rúa Emilia Pardo Bazán, no treito comprendido entre a Gran Vía e a Avda. Arquitecto Palacios”.

• **Segundo:** Aprobar a seguinte proposta de financiamento e anualidades:

	2016	2017	2018	2019	Total da aportación
Deputación Provincial de Pontevedra	770.000,00€	1.030.000,00€	0,00 €	0,00 €	1.800.000,00€
Concello de Vigo	0,00 €	50.515,50€	347.691,84€	13.064,43€	411.271,77€
Total investimento	770.000,00€	1.080.515,50€	347.691,84€	13.064,43 €	2.211.271,77€

De acordo coa proposta de axuste de anualidades o Concello de Vigo comprométese en financiar calquera modificación ou alteración que se produza no ámbito de execución desta obra e que leve implícito un maior gasto en relación ó financiamento indicado.

V.- Por todo o anteriormente exposto, ambas partes manifestan expresamente o seu propósito de asinar unha addenda co obxecto de proceder á adecuación financeira do “Convenio de colaboración entre a Deputación de Pontevedra e o Concello de Vigo para a cesión a este da estrada provincial 2002 – Gran Vía Avda. Madrid. Rúa Emilia Pardo Bazán e para a execución do proxecto de humanización da estrada provincial 2002 – Gran Vía Avda. Madrid. Rúa Emilia Pardo Bazán, no treito comprendido entre a Gran Vía e a Avda. Arquitecto Palacios”; conforme ás seguintes

CLÁUSULAS

PRIMEIRA.- A Deputación Provincial de Pontevedra e o Concello de Vigo acordan adecuar a financiación e anualidades do “Convenio de colaboración entre a Deputación de Pontevedra e o Concello de Vigo para a cesión a este da estrada provincial 2002 – Gran Vía Avda. Madrid. Rúa Emilia Pardo Bazán e para a execución do proxecto de humanización da estrada provincial 2002 – Gran Vía Avda. Madrid. Rúa Emilia Pardo Bazán, no treito comprendido entre a Gran Vía e a Avda. Arquitecto Palacios”, de acordo coa seguinte proposta:

	2016	2017	2018	2019	Total da aportación
<i>Deputación Provincial de Pontevedra</i>	770.000,00 €	1.030.000,00 €	0,00 €	0,00 €	1.800.000,00 €
<i>Concello de Vigo</i>	0,00 €	50.515,50 €	347.691,84 €	13.064,43 €	411.271,77 €
<i>Total investimento</i>	770.000,00 €	1.080.515,50 €	347.691,84 €	13.064,43 €	2.211.271,77 €

De acordo coa proposta de axuste de anualidades o Concello de Vigo comprométese en financiar calquera modificación ou alteración que se produza no ámbito de execución deste obra e que leve implícito un maior gasto en relación ó financiamento indicado.

SEGUNDA.- En todo o demais, o texto do convenio asinado en data 30 de decembro de 2016 mantense invariable, debendo terse en conta a modificación da súa vixencia introducida pola addenda asinada o 21 de decembro de 2018, suxeitándose as partes ó seu clausulado.

E para que así conste, en proba de conformidade, as partes asinan a presente addenda no lugar e data sinalados no seu encabezamento.

O Alcalde-Presidente do Concello de Vigo



Asdo.: Abel Caballero Álvarez

A Secretaria do Goberno local
Concello de Vigo

Asdo.: M^a Concepción Campos Acuña

A Presidenta da Deputación de Pontevedra



Asdo.: María del Carmen Silva Rego

O Secretario Xeral da Deputación de Pontevedra

Asdo.: Carlos Cuadrado Romay